

ASOMA KIER MAS SEGURIDAD PA MUSICONAN

ORANJESTAD(AAN): -

Tirando un bista riba e convocacion pa reunin awe nochi di ASOMA na Bonaire Club, por ripara cu ribaagenda tin poni tambe "problemanan di musiconan".

Esaki ta un asunto cu pa añanan, ASOMA ta trata di soluciona, pero cu te ainda ta resultando dificil aparentemente.

Ta conoci cu instrumentonan musical ta birando mas y mas caro, y cu musiconan no por disfruta di finnan di siman liber den mayoria di caso manera tur otro hende lo por haci, debi na compromisonan musical.

E asunto di hotelnan te ainda ta problema mas grandi, caminda dia pa dia por ripara cu mas y mas estranhero ta ser poni na trabao den hotelnan, y pa e musiconan te ainda

esaki ta un injusticia contra musiconan Arubano.

Den conversacionnan ultimo simannan cu diferente musico, a ser menciona cu esnan local den hotelnan no ta goza di ningun asegurado pa nan ni pa nan familia, debi na contratonan cu ta ser ofreci, sin vacasion.

"Si nos toca henter aña den hotel, nos no ta goza di ningun vacasion" y si nos mester tum a liber mes, esaki ta bay sin cu nos ta cobra e dianan aki", a ser menciona.

Tambe e musiconan lo kier mira asegurado pa nan instrumentonan y aparentemente den e reunion di awe nochi, lo ser treci proposicion pa un asegurado comun pa tur musico, segun a ser menciona..

Tambe nan lo kier mira mas actividadnan di parti di ASOMA mes.